



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA*

QUOD LIBETARIIS DISPUTATIONIBUS

*manè discutienda in Scholis Medicorum, die Jovis decimâ quartâ
mensis Februarii, annî M. DCC. LXXXVIII.*

M. PETRO POISSONNIER, Equite, Regis in sacro Consistorio
Consiliario, &c. &c. Doctore Medico, Præside.

An in partu difficili, manu potius quàm instrumentis utendum?

I.

PARTUS ex Naturæ intentione, non succedit semper expulsion
factis, non semper ipsius conatus, prægnantisque molimina suffi-
ciunt. Ex parte matris, sola sæpè plethora difficilem facit sætüs educ-

* Propugnata, anno 1732, à Joan. Bapt. CHOMEL DE JOINVILLE; M. Ludovico
LEMERY Præside.

E

tionem. Sæpè non exoneratâ priùs vesicâ, comprimitur uteri orificium, sitque dilatationi impar. Quoties uterus/sit perverso, prolapsu, cancro, ulcere, hæmorrhagiâ, aliisve morbis afficitur? totidem partus impedimenta. Ex parte fœtus, si brachium, humerum, manus ambas, abdomen, thoracem, vultum, dorsi vel lumborum vertebrae, anum, genua, pudenda, aliasve offerat partes; si ob varios funiculi umbilicalis implicitos orbes, diutius remoretur fœtus, si nimia mole caput exclusioni obftet, si foetum pedibus extrahendo, caput à trunco separetur, in intusque uteri penetralibus, hæreant tristes infantiuli exuvia; si tandem educto infante tenacius adhæreat placenta cum membranis; artificialis efflagietur opera; sed iis tantum uti licet quæ parum adjuvent, quæ matri labem, quæ fœtui necem vel noxam non inferant.

I I.

MEDICINÆ auxilio semper indiget partus difficilis. Natura variis retenta impedimentis, languet, ni sublevetur. Ex parte fœtus, & ex parte matris videas quæ obstant, sed ex parte fœtus, & ex parte matris quid inturratur periculi attende. Si Anatomia fides, quid exquisitioris sensûs quam nervo-vasculosa uteri substantia? Quid delicatius quàm infantiuli membra? * Ne cultro, uncis, coeleis ferris, laqueis, aliisve instrumentis horribilibus instructus accedas, matrem lædere, vivum infantem occidere, vel frustulatum extrahere, reformida. . . . Non lignum tractas aut lapidem, &c. . . . Uterus functione, substantiâ, connexionibus delicatissima pars respuit, quidquid eam lædere, aut ipsi officere potest; ipsa manus unguibus extremis, uterum lædit aliquando, quanto magis ferreis instrumentis læsi inferri potest, quippè non discernunt quæ sint tangenda. Sed fœtuum noxam inferre nonne contemiscet? Ille proprio matri stipendio nutritus, naturæ instructus, donis, lumen etsi ignotum appetens, in ipsa vitæ limine necatur vel vulneratur. Nemo obstrepat, mortuo tantum fœtu, instrumenta usurpari. * Fieri non potest, inquit Mauriceus, quin fœtuum mors inferatur, ad vitam matri servandam, &c. . . . Partus uteri spasmis absolvitur, instrumenta dilatationis, contractionisque motus, nequaquam persentiscunt, nequaquam possunt tutò omnibus mederi impedimentis, & incommodis obviam ire.

I I I.

IN difficili partu, vivo vel mortuo infante, exulanda veniunt instrumenta. Vivo reclamant omnia, mortuo veriant ratio & auctoritas. Si Chirurgus ut opem ferat laboriosè parturienti accersitus est, omnibus

* Deventer.
de Arte obstetric. tit. c. 1,
p. 12.

* De Partu
natur. c. 29,
lib. 11.

ex arte prius perpensis, naturam semper propius insequens, obviam cognoscat partem, eamque si operationi obster, leniter propellat; ruptis membranis, fluentibusque aquis, manu, oleo vel butyro recenti inundat, quaerit interdum pedes, pedibus adductis eos linteo repecto & tenui induat, ne aere exteriori humorum laedatur circuitus, & ut sit operatio facilius; vertat interim infantem sensim sine sensu, ita ut semper illius vultus; matris posteriora aspiciat; sic os maxillae inferioris, materna pubis ossa non offendens, operationi haud obstat. Cum ad Thoracem fuerit deventum, leniter cum alternis manibus comprimendo, succedet caput quod adducere prudenter decet. Si tamen ob nimiam crassitiem remoram affert caput, solâ manuum vi & industriâ obstetricans potest premere ossa lateralia, & tunc capite complanato ob flexilem ossium connexionem, labori finis erit. Monstra ipsa ingenti suâ non impediuntur mole forsque integra amandantur. Hæc omnia non minus vivo quàm mortuo infante veniunt præscribenda. Mortuo etenim foetu, putredo, sphacelus omniaque interitum comitantia, musculis & membranis, ligamentis ipsis firmitudinem adimunt; frustra manus instrumenti duxerit, ea cui fuerit applicatum instrumentum pars, discedit subito, & tunc alteram vellicias, attrahis, quæ tamen ferrum abhorret.

Sic innumerae mulieres recto intestino vulnerato, vaginâ uteri perforatâ, vesicâ apertâ, urinam excrementaque alia per vaginam reddunt. Nonne manus erudita Medici prudentis adjuta consilio hæc vitare arduas?

I. V.

QUIDAM * contendunt vivum extrahi posse infantem unci ope, illudque instrumentum in auris cavitate ita firmiter adaptandum esse ut deinde sit facillima adductio. Ast uncus vi manuum tractus, ossa sæpe sæpius disjungit, disjunctisque ossibus, dentiformes ossium cranii processus quidquid obstat dilacerant. Sic Chirurgus * etsi solertissimus cum unco usus esset, ut foetus adduceret caput, uterum laniavit. * Diversam methodum sibi arrogat Chirurgus alter quâ instrumentum adhibet quod vocat *Tire-Tête*, sed quam vesana, quàm impia sit talis agendi ratio; unanimis est hoc consensus. Jure ac merito arceandum est reticulum quo hærens foetus caput comprehendunt *, illud foris veluti bursâ implicitum, attrahunt; res sanè facilis enarratu, sed in operando ardua. Culculos omnes effugiat obstetricans Chirurgus, non licet unquam discerpere foetum ut sit matris securior status. Quidam laqueis admotis foetui constringunt membra; ligata repellunt, & ferè semper ligatis pedibus, brachiis, ligato capite, nec auxilium nec facilius

* *Peu. Pratique des Accouchemens*, liv. 2, p. 296.

* Portal, *Pratique des Accouchemens* Obf. 75.
* Mauricæau.

* Amand.

* Viandel,
9. 32.

est operatio. Instat tamen periculum⁴, labescunt parturientis vires; manus admoveatur; caput ipsum si à trunco separatim intus remanserit * Chirurgus digitos in ore infantis immittens, illud adducet. Sic juvabitur partus, matrique non inferetur lăbes.

V.

SED quid moror? nonne omnes conclamant obstetricantes? Mauriceum unum Cachinnis excipit. *Peu* inculcat Mauriceum quod eo utatur instrumento quo vita foetui adimitur. Nullus est consensus nec de instrumentis, nec de instrumentorum specie. Medicis recurrant obstetricantes. Præsto adest Medicina quæ convenienti auxiliorum usurpatione, naturam languentem excitat, vel nimis luxuriantem reprimat. Deventerius, in suo de arte obstetricandi tractatu, omnia rejicit instrumenta, solaque manu, sine instrumentis in quocumque partu omnes infantes educit. Tandem laqueis veniunt insperatæ luxationes. Unci vel hamuli usu, innumerae mulieres cedunt fati, infantesque præciosissimis orbantur donis. Omnes igitur beneficiis fruuntur Naturæ quæ manus suppedians, eas ita fortitudine, solertiâ, sensu, iustruxit, ut matribus non incuriant timorem, adstantium sibi concilient fiduciam, incolumem educant foetum, naturam denique adjuvent. Videant ergo Consules ne aliquid detrimenti Respublica capiat, ex depravato artis usu, sentiantque omnes, instrumenta tam foetui, quam matri esse uoxia.

Ergo in partu difficili, manu potiùs quàm instrumentis utendum.

DOMINI DOCTORES DISPUTATURI.

M. Claudius-Antonius CAILLE,	M. Joannes-J. e. bus NOLLAN.	M. Claudius-Carolus DEJEAN,
de Societate Medicâ Edimburgensi.		
M. Philippus-Alex. BACHER.	M. Benjaminus-Michael SOLIER	M. Franciscus-Felicitas COCHU.
	DE LA ROMILLATS.	
M. Antonius-Laurentius DE JUSSEU, Eques, Regi à Consiliis & Secretis, Regia Scientiarum Academiâ socius, in horto Regio Botanices Pro-Demonstrator.	M. Claudius LAFASSE.	M. Ludovicus-Maria POUSSE, antiquior Scholæ Magister, Eques & Censor Regius, in gremium Facultatis exceptus, annu 1732.

Proponebat Parisiis ANTONIUS BOTTMAN, Warfaviensis, Consiliarius Aulicus Suxæ Majestatis Regis Poloniæ, Doctor Rhemus, nequon Saluberrimæ Facultatis Medicinæ Parisiensis Baccalaureus.

A. R. S. H. 1788. AB OCTAVA AD MERIDIEM.

Typis QUILLAU, Universit. & Facultatis Med. Typograph. 1788.